

〔正面〕

岩槻城墟碑

武蔵国岩槻城太田持資所築而其弟資忠治焉。称海内金湯之一。天正十八年為豊臣氏所略、爾後徳川氏高力・青山・阿部・板倉・戸田・松平・小笠原・永井諸侯相繼治焉。宝曆六年大將軍徳川淳信公賜之大岡忠光君、相伝八世、至忠貫君、明治維新諸侯奉還封土、廢毀城郭、岩槻城亦廢焉、其未毀也、牙城有二門・三堠樓・二橋。第二城大將軍拜日光廟時、所宿。有三門、其外曰竹沢廓、曰天神廓、曰茶屋廓、二門一堠樓。第三城藩主住焉。三門・二堠樓。城外有土邸・社寺坊舍。郭外亦一郭、曰新廓。坊数凡九。有持資築城時所手植之杉、枝葉皆下垂。人呼二本杉、珍之。今也城復干隍・堠樓・宮殿及橋与杉、皆歸湮滅、桑園・菜圃中唯存當時一鐘樓而已。每年忠貫君自東京来、祭先祖忠光君之靈於龍門寺。明治二十九年、宗家九条道孝公亦来臨焉。先是、公有所庇護大岡氏。忠貫君、賦国雅謝之曰、布遲那美能多迦伎爾保仏乃奈加理世婆須惠迺由可理農伊呂也阿勢難武。旧臣亦深徳之献菲物表謝意。公之来臨答之也、旧臣乃請公手栽銀杏樹於鐘樓傍、以伝後世。蓋以銀杏葉為大岡氏記章也。頃日、旧藩士將建石於城址、記變遷所由与九条公德、以諭後世、寄状請余文。余乃摛状次第之。

明治三十一年十月 高等師範学教授從五位勲五等文学博士南摩綱紀撰

昭和十一年一月 東京府立第四中学校長正五位勲五等深井鑑一郎書

〔背面〕

岩槻城墟碑、係羽峰南摩博士撰文、
明治三十二年、先之旧臣諸君有欲
泐石諭後之議有故不果。爾後四十
年、九条公所植公孫樹枝・幹長大、亭
亭摩天如標公德益大者。於是旧臣
諸君、復謀而事遂成使余記之。固辞
不得乃録其所由云。

昭和十一年一月 旧臣深井鑑一郎撰拜書

建碑主唱者

平野銑治

高田大八

田口義富